



**Winterheil (Sommerheil)|| Der Kleinen Catho-||lischen
Postill/ Jacobi || Feuchthij/ Weyhbischoffs|| zu Bamberg/
der H.|| Schrift D.||**

Darin[n]en kürztlich vn[d] Catholisch/|| alle Sontägliche Fest vn[d]
Feyrtägliche|| Euangelien ...

Feucht, Jakob

Cöln, M.D.XCV.

VD16 F 850

Am Feyertag Mariae Opfferung.

[urn:nbn:de:hbz:466:1-61414](https://nbn-resolving.org/urn:nbn:de:hbz:466:1-61414)

Am tag MARIAE Opfferung.

499

Am Feyertag MARIAE
Opfferung.

Am 21. tag
Nouemb.

S Gut ist das Fest/ als die seligste
Mutter GOTTES vnd allweg
Jungfraw MARIA/ in ihrer zar-
ten Jugend/ da sie nemlich drey
Jar alt war/ gen Jerusalem zum
Tempel gefürt/ vnd von ihren heiligen Eltern
dem Herren auffgeopffert vnd zugeeignet ward.
Dauon schreibt auch Nicephorus. Von dersel-
bigen zeit fieng an die edle/ zarte/ reine Jungf-
raw/ GOTT je lenger je mehr zu erkennen/ zu
lieben/ zu preisen/ vnd zu ehren/ mit Herzen/
Mund vnd Wercken/ wie kein Jungfraw vor
oder nach je besser vnd vollkommer GOTT gedie-
net vnd wolgefallen hat. Nachdem sie aber im
Tempel geweyhet/ vñ in aller Gottsforcht auff-
erzogen war/ verharret sie daselbst bis in das 14
Jar ihres alters/ hatt solche lust vnd andacht zu
GOTT/ daß sie erstlich vnder allen Jungfraw-
wen dorfft ein gelübd thun/ das doch gar vnge-
wönlich/ vnd auch verächtlich war/ ihre stete
Jungfrawschafft zu behalten/ wie dauon S.
Augustinus schreibt. Das Leben aber MARIAE
ist so tugentreich vnd vollkommen/ daß darinnen
ein klarer Spiegel vnd lebendig ebenbild der
Gottseligkeit scheinbarlich erleuchtet. Sie war
vast demütig im Herzen/ dapffer in Worten/
fürsichtig im Gemüt/ vernünfftig in der Red/
gestiffen im Lesen/ andechtig im Gebett/ embsig
in Wercken/ züchtig in den Sitten/ hoch in der

13 3 . Ver

Betrachtung/erleucht im Verstand/inbrünstig
in der Liebe GOTTES/ barmherzig gegen den
Armen/gehorsam gegen den Obersten/willig vñ
fridsam gegen jederman. Summa/ MARIAE
ihun vnd lassen ist aller Menschen zucht vnd Re-
gel: Kein Zunckfraw keuscher von herzen vnd
leib/ kein Ehfraw erbarer vñ seliger/ kein Heilig
völler gnaden/vñ von GOTT mehr gebenedey-
et. Zum höchsten hat sie sich demütiget als ein
Dienstmagd des Herrē/ darumb ist sie auch zum
höchsten erhebt/ daß alle Geschlecht der Men-
schen vnd Heiligen sie nit gnugsam rhümen vnd
loben können. Von ihrem leben schreibt S. Am-
brosius. Welche jezund vñ jeder zeit ihren Sohn
für vns bitten wölle.

E Vangelium vñ Predig/wie an der
Geburt MARIAE/ als droben am
8. tag Septemb. gesetzt.

Am Feyertag der H. Zunckfraw
wen vnd Marterin Katharine/
Euang. Matth. xxv.

In d zeit wirdt das Him-
melreich gleich werde zu
hen Jungkfrauen/ die
ihre ampeln namen/ vnd
giengen auß/ dem Brew-
tigam vñ der Braut ent-
gegen. Aber fünff vnder ihnen waren tö-
richt/ vnd fünff waren klug. Nun namen
die